



**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

1. In festo Resurrectionis Domini. De Descensu Christi ad limbum

---

[urn:nbn:de:hbz:466:1-60091](#)

Hebdo- In Festo Resurrectionis Domini,  
madas & per Octauam.  
Paschæ.

I. *De descensu Christi ad Limbum  
Patrum.*

I. **C**hristus Dominus simulac in Cruce exspirauit, secundum animam hypostaticè verbo vnitam descendit ad Limbum Patrum, ad consolandos, liberandos & beandos illos, à quibus tot iam sæculis exspectabatur, & eò quidem tunc audiens, quod propius eius aduentus per Ioannem præcursum prænunciatus appropinquare credebatur.

**Zach. 9.** Quanta illa dignatio Filij Dei, quæ humilitas Domini maiestatis, quæ charitas Saluatoris non deginantur descendere in inferiores partes terræ, ad educandas inde animas seruorum suorum per seipsum, cum id vel solo nutu, vel Angelorum ministerio præstare posset, ad implendum illud Zachariæ: *Tu quoque in sanguine testamenti emisisti vinculos tuos de lacu, in quo non est aqua.* Ad satisfaciendum infinito anno.

amori suo, quo eos prosequebatur; ad prouocandum nos ad se redamandum, & quo nos sic diligiter tam euidenter cōprobabatur.

Quanta quoque est eiusdem erga te benignitas toties realiter in sacra cōmunione dignantis ingredi ad te tam horridum corpore & spiritu sanandum, illuminandum, fouendum! Si tantas diuitias bonitatis suæ seruis suis exhibet in via: quantas olim filijs exhibebit in patria? Quām merito ergo infinita eius bonitas esset amanda, quām grato & filiali animo recolenda, & quidem omni possibili dilectionis & gratitudinis affectu? His expensis, affectus amoris & gratitudinis subiungendi, cum propositis practicis, hos externos affectus cum internis cōiungendi hac vel illa ratione, occasione, e. c. conando ex amore hos consuetos defectus cauere, hanc vel illam actionem ordinariam piè exacteque obire.

II. Descendit porro cum magna gloria; stipatus ingenti comitatu Angelorum præcuntium, & infernalibus portestatibus portas reserare imperantiū:

*Anollite portas principes vestras. Et intro- Psal. 23.  
ibit Rex gloria. Ipsiq; ingressu suo con- Psal. 106.  
trivit portas arenas, & vectes ferreos confre-*

E 3.

git:

git : Statimq; splendore gloriæ & maiestatis suæ loci illius tenebras mirabiliter dispulit , animasque iustorum in umbra mortis sedentes mirabilius illustravit , claram ijs Diuinitatis suæ visionem cum amore & gaudio beatifico impertiens : atque sic momento uno Limbum conuertit in paradisum , adimplens illud de æterna Sapientia dictum : Penetabo omnes inferiores partes terra , & inspiciam omnes dormientes , & illuminabo omnes sperantes in Domino .

*Ecccl. 24.*

Quanta illa benignitas & liberalitas Saluatoris nostri , qui ingratos , impios & proteruos Iudeos ob iniustissimam necem sibi illatam 40. annis distulit punire : at ne momento quidem uno differre voluit fidelium suorum animas , quam primum per soluto redemptionis pretio licuit , æternâ gloriâ remunerare ! Quantò is paratior est ad miserendum , quan. ad puniendum .

Quoties hoc ipsum & in te es expertus ? Quam incredibili mentis tristudio sancti Patres , quorum multi millenis , bis terue millenis , nonnulli quater , imò quinquies millenis annis in tenebroso illo lacu aduentum Messiae expectarant , ad primum eius conspectum exultarint , cum tam insolita lucem

lucem gloriamq; eius cernerent, seq;  
in momento vno diuinæ eius gloriæ  
consortes obstu pescerent? Quam ve-  
rè tum audita est vox exultationis & sa- *Psal. 117.*  
*luit in tabernaculis iustorum?* Quanta  
submissione ac reverentia illum, ceu  
Saluatorem, tam exoptatum, tam mi-  
sericordem, & benignum exceperint,  
adorant, agnouerintque, maxime  
protoplasti parentes, quod illi tanto-  
rum laborum, dolorumque causa ex-  
stissem? quam cordiales pro tanta fi-  
bi collata gratia & gloria gratias ege-  
rint? quanto gaudio illi de victoria ab  
infernali principe tenebrarum repor-  
tata congratulari fuerint? Quam mi-  
rificè Christus ipse hos inter plausus  
exultariit, æternumque Patrem glori-  
ficari, videns cœptum impleri illud  
sibi promissum: *Pro eo, quod laborauit Isa 53.*  
*animæ eius, videbit, & saturabitur: ita*  
*dissertiam et plurimes, & fertim diuidet*  
*spolia, pro eo quod tradidit in mortem ani-*  
*mam suam!* Nam si olim Ioseph videns  
sibi duos filios in Ægypto natos, ita le-  
gitia gestijt, ut diceret: *Oblivisci me fe-* *Gen. 41.*  
*cit Deus omnium laborum mecum.* &c.  
quantò magis Christus, cùm se tot  
millibus filiorum circumdatum vide-

T 4

ret.

ret? Congratulatio de gaudio & glo-  
riâ Christi , amor , gratitudo.

III. Mansit in Limbo ferè 40. horis  
vsq; ad Resurrectionem suam: interea  
excepit animam pij latronis, beatifica-  
uit & palam collaudauit : animasque,  
vt credibile est, in purgatorio tum de-  
tentas , applicato sui sanguinis pretio  
liberauit , alijsque Beatis aggregauit.

Quàm ineffabili hæc omnia dignatio-  
nis, miserationis & dilectionis affectu  
præstiterit? quàm mirificè vniuersum  
hunc Sanctorum cœtum recrearit, nō  
solum gloriofa sua præsentia carcerem  
eorum cohonestando, sed intellectum  
eorum tot arcanorum, mysteriorum  
absconditorum tot sæculis, & præfigu-  
ratorum clarâ reuelatione illuminan-  
do, affectumque etiam luculenta ins-  
nitæ bonitatis & misericordiæ sua ma-  
nifestatione inflammando? Quàm at-  
toniti obstupuerint, quàm lætabundi  
exultarint , omnes progenitores Sal-  
uatoris, maximè Adam, Abraham, Ia-  
cob, Dauid, cum cernerent omnes di-  
uinæ promissiones sibi factas tam a-  
bundè impletas? omnes , qui typum  
cius gesserant, vt Abel, primus Limbi  
incola & martyr; Noë, mundum per-  
arcam saluans, Ioseph fratrum perse-  
cutio-

cutionem sustinens, Moyses, populum  
Isaeliticum ex Ægypto per mare ru-  
brum educens, Iosue eundem in terrā  
promissionis introducens; alijq; con-  
spicientes figuras omnes veritati red-  
ditas: omnes Prophetæ, omnia à se in  
spiritu præuisa, & prædicta examinata  
completa: omnes demum Iusti, vni-  
uersas tot veteris sacrificiorum & ce-  
rimoniarum umbras vnicum veram  
Messiam adumbrantes iam finē suum  
assecuratas? quanto, inquam, magis ad-  
mirabundi exultarint hi omnes tot  
tamque arcana mysteria clarissimè in-  
tuentes, quam illi duo discipuli eun-  
tes in Emaus, cum illis Dominus in *Luc. 24.*  
via interpretaretur scripturas? Quan-  
to affectu infinitam Dei veritatem, fi-  
delitatem, sapientiam, bonitatem, mi-  
sericordiam prædicarint & glorifica-  
rint, quas gratias illi egerint, atque, ut  
omnes in terra degentes hęc tanta my-  
steria clarius agnoscentes secū id præ-  
starent, exoptarint? Admiratio, gra-  
titudo, amor, zelus gloriæ Dei.

## De glorioſa Christi Resurrectione.

II.

I. **G**loriosa Christi anima sub cre-  
pusculū illucescentis tertiae diei  
E s. stipa-